

國朝詞綜續編

國朝詞綜續編卷二十一

吳縣 潘介繁 襄校

仁和 徐慶銓 編次

海鹽 黃燮清 編纂
平湖 張炳堃 增訂

錢塘 諸可寶 校勘

永康 胡鳳丹 監刊

張景祁 十首
陳壽祺 七首

王星誠 七首
朱孝起 四首

繼振 二首
鄧恩錫 三首

王起 一首
譚廷獻 五首

高望曾 三首
徐同善 一首

諸可繼一首

諸可寶六首

周洪彝二首

戴廣保一首

施山一首

樊增祥四首

石守彝二首

謝玉樹一首

徐增禕二首

楊錦雯三首

馬書城一首

芮達一首

秦嶽一首

戚人鏐三首

釋妙塵七首

釋達塵一首

周道昱一首

張謙一首

張景祁

原名左鍼字孝威號韻梅
錢塘人諸生有夢雲樓詞

霓裳中序第一

蘭江感舊用草窗韻

沙明鈿路疊拾翠游船輕似葉船尾鴉孃伴結看鬢溼
杏煙顯欺蓉月回橈盪雪有好山收拾詩篋閒情寫水
樓試茗喚起晚鶯說悲切市橋波咽恨綠浣衣香半
滅相逢無奈驟別願繫龍紗忍佩麟玦榜唇瓜樣缺聽
小海清歌乍闕纏綿意一般解脫玉繭蛻斑蝶

鷓鴣天

寒食湖上修禊

相逐雲輶到寺門門前修禊水陰昏麗人已過餘花氣
新柳初齊尙酒痕風急槩浪湔裙滿湖嵐翠掩遙村
明朝怕過西泠路雨溼棠梨一斷魂

摸魚子

海鹽黃韻甫明府來杭家仲甫文應昌招集湖舫席間賦贈卽送歸海鹽

卷青簾水窗明玉輕煙吹上隄柳鴛湖詞客眞疎俊却

稱杏黃衫袖才似繡譜檀板清歌合付兜娘手萍游倦
否慣小殘浮眉滄江照鬢怕聽笛波奏 山陽路蓮幕
悲涼感舊天涯休更回首鯉魚風起桃花雪歸夢已濃
如酒春漸瘦料送得春歸早是人歸後句留未久奈謝
豹聲中行帆翦綠目斷非谿口

探芳訊

和韻甫丈長豐山館

正春杪却水館簾開評花人到紫藤香糝滿徑麝塵埽
綠陰似海閒門寂梁燕空嚙老引新愁都在鷗邊雨陂
煙沼庭樹已成抱問青漆闌干是誰凭曉影散晨星
華髮又添了十年書劍河梁別夢冷南園草黯銷凝樓
外垂楊自好

醉江月

送徐公可同善之栢蒼

孔璋行矣恨題襟歲晚驪歌淒惻聽鼓衙齋無定所吹

落鴻泥蹤跡倚馬雄才從龍貴胄羞執郎官戟

公可之祖從龍

入關隸籍滿營駐廣州

黃塵獵罷一時豪氣無敵

長歎海嶠揚

烽牙旗坐擁誰建平戎策季子貂裘風雪裏愁聽梅花
羌笛高筍灘邊石帆山下此是煙波宅新詩寄我麴塵
凝望江驛

清平樂

櫻桃架底翦翦東風細
曉殺畫眉慵未起
漠漠繡簾垂地
簾前盡日飛花門前幾樹藏鴉手把一枝紅豆錯
疑春在兒家

疏影

玻璃窗用黃菊人明府曾紗窗詞韻

瓊瓏淨飾似剪成片玉橫嵌冰格曲牖虛櫺望裏通明
窺檐未礙蟾魄屏螺百摺遙當戶界不斷空青顏色怕
日斜燕子歸來觸響乍回雙翼曾過藏嬌翠館有人
倚鏡檻纔露梅額咫尺輕鸞不隔盈盈却恨微波凝碧
還添一桁簾如水更莫問傳香消息奈小鬟眼遞蘭局
密記試燈佳夕

又

菊影效禁體凡燈前鏡裏水邊月下等語概勿用

秋屏素壁甚暗霜暈晚難絢佳色石徑平蕪冷豔無痕
迷金檻底重覓萸香小殘風鱗細偶照見簪頭歌側只
瘦魂欲顧誰憐賸有卷簾人惜移向明髹淨几露華

看倒貯涼韻空挹隔苑昏黃巾地寒英誤了餐芳詞客
微茫一幅柴桑稿合喚取白描仙筆賺夜闌凍蝶伶俜
閃過短籬深黑

鶯囀序

鳳凰山懷古

長雲暗屯樹頂看千峯互抱踞江勢包絡重關艮嶽遙
對煙表翠華去銷金夢歇苔荒輦路棲殘照有何人悲
念禾油故宮憑弔浙臉南來汴水渡馬把朝廷換小
潮佳讖棋局黃羅九宮旋見星曜忍偏安臨淮半壁怎
挽得銀潢傾倒膽飄零簫鼓聲中晚春花鳥刀頭望
遠劍血澆涼悵珮環信杳鶩轉眼碧枯天水泡影塵影
歲月銷磨古愁多少銅仙鑄淚銅駝埋恨珠筵明擁樊

樓火已金甌響壓襄城礮龍飛馭絕誰聞夜析蝦蟇更
逐漏點頻報空山鳳去幾閱興亡尙劫灰未埽恁慷
慨狂敲如意盼斷西臺野燒寒燐亂煙衰草蒼涼片石
玉鉤斜畔魚燈光冷鴛瓦碎唱秋墳酸咽松風嘯何堪
說與嘯鵲酌月尊前鬢絲頓老

疏影

秋柳集白石句

算鴉嘯處看垂楊連苑直恁清苦漠漠搖煙也恨飄零
愁入西風南浦娉娉嫋嫋教誰惜更添了歲華如許尙
未知笛裏關山猶有暗黃千縷還記章臺走馬有人
似舊曲端正窺戶宋玉歸來此樹婆娑別有傷心無數
閱人多矣人何在謾贏得凭闌懷古悵斷魂第四橋邊

重見冷楓紅舞

陳壽祺

字珊士山陰人咸豐六年進士改庶吉士

西子妝

秋夜寄人

詩夢攙涼茶烟誤晚秋意商量一半疎痕紅上蓼花枝
笑斜陽何曾瘦慣調停酒盞莫先被鸚哥偷喚燕歸來
又描樵愁稿月明池館烟波遠獨自偎寒燈影如儂
嬾西風吹恨到妝樓悄黃昏玉釵敲斷海棠不管贏得
箇相思零亂問朝來多少魂消枕畔

點櫻桃

春日書所見

何處嬌娃繡肩小立桃花底腰支春細正是愁年紀
幕見儂來無計相迴避垂頭戲柳枝知未圈箇團團意

金縷曲

答琴子陶丈

往事休回首歎頻年槐花踏徧青衫依舊恨事歡場同
一夢賺得離愁盈斗飄泊意天公知否薪水妻孥增太
息甚悲涼况味拚消受泪似水徧衣袖蕭蕭落葉西
風驟况又是斷烟衰草傷心時候秋與詩魂同一稿都
比前番損瘦算好事今真辜負冷落扁舟租一葉且披
蓑料理蘆花酒謀一醉他何有

長亭怨慢

留別定武詹且讀少尉

魂銷也別君去矣柳絮飛飛漫天吹起底事纏綿臨歧
牽住離人意相思知未灑不盡長亭泪泪若滴君衫點
點是故人心事已已黯回頭不見只見亂山千里殘

陽古樹寫一幅別離圖紀約後會尊酒重斟知飄泊相逢何地問多少離愁卻是暮天雲際

南歌子

夜月紅螺酒春風紫鳳簫箇儂何處漏迢迢消受一杯冷茗過今宵布被和愁擁檠燈帶影挑未曾睡好已魂銷知否淒涼孤店又明朝

湘月

題藍叔丁六歷鳥山圖

秋江畫舸問盈盈何處神仙眷屬三尺菰波風力輕蘸得羅衫都綠佩摘秋芬琴調古韻人影清於菊墨痕涼沁茶香飛上吟幅更好選勝奇峯一層更上俯瞰湘流曲繡屨風香苔逕窄消受美人清福山翠評眉湖光

韻鬢句在秋邊續歸來庭院新詩笑倩鶯讀

洞仙歌

寄蘭雪葉大約南歸

孟冬過了算歸期須定若再羈遲甚時準况三間老屋
開了梅花早有个綠酒紅鑪相等 鴛鴦三十六細雨
郵程隨意排來睡都穩底事苦淹留鏡裏芙蓉難道是
飄零小影快打疊扁舟白雲邊莫輸與江南鯉魚風信

王星誠

字孟調山陰人副貢生
有西鳧山居殘草附詞

醜奴兒

冬閏

蜜梅花外天將雪剗靨黃昏人似鑪熏祇得春情一晌
溫寒宵偏是無心曙半睡還醒暗淚無痕涼作繚綾
一角冰

四和香

夏日雨後

準擬輕紗籠薄暑，忽做纖纖雨。雨後隔牆聞笑語，夜來秋幾許。一樹嫩陰無著處，燕子涼邊絮。簾靜不教香散去，點書閒過午。

蝶戀花

蓬山只在傷春處，不隔天涯。但隔梨花雨。多分日長無意緒。紅樓一角斜陽暮。今日鞭絲慵再駐。簾底分明，強道慙慙去。攬眼畫橋楊柳樹。年時拍扇兜香絮。

百字令

六月晦日至黑壩金司馬聽事觀荷

平隄廿四暫偷閒，存訪菰烟蔣雨秋。近水鄉纔幾日涼，得晚荷如許。露暈疎紅，風搖亂碧，花氣惜惜。午葛衫人

影鷺絲來共秋語 休問環珮當年畫船吹笛寂寞橫
塘路一屋冷香團作暝簾幙悄無人住斫藕論錢拗蓮
佐饌狼藉憑誰訴瘦魂飛盡夕陽衰柳知否

又東珊士

別來如昨只天涯添得西風人瘦綸布衣裙難入俗觸
地柴荆三斗雞肋文章鴻毛富貴幾輩堪傭走干卿何
事醉中淚搵衫袖 留得寸許毛錐笑天甯管汝難先
牛後算有殘杯還屬我僕射何如飲酒可意紅心無端
白眼一味難消受長河北去世情今日知否

邁陂塘

邯鄲旅店題壁

又槐陰五更風露曉鴉催喚人去飄零滋味嘗都慣減

盡斷腸詩句堪嘆處嘆千里輪蹄碌碌儂和汝豪情半
負卻倏忽春歸棗花如豆吹綠作朝雨 休再問二陸
中年詞賦青衫容易遲暮冰絃廿五彈瑤水話到相思
解否還看取看烟柳溟濛眼底愁如許玉鞭再駐把一
掬酸辛傷時涕淚贈與趙州土

浪淘沙

溫縣書所見

池館總藏鴉媚殺朝霞更無簾幙不宜花燕子一春閒
未得紅雨家家 翠袖倚寒斜嫩靨難遮江南已是可
憐些何況柳烟蕉月底側帽天涯

朱孝起

字百原號廉卿錢塘人諸生有韻蘭詞

浣谿紗

手把羅巾拭淚痕
沈吟往事暗消魂
淡雲微雨又黃昏
燕子歸來春寂寞
鶯兒打起夢溫存
晚妝樓上掩重門

虞美人

樓頭響絕三通鼓
秉燭開朱戶
一灣流水小橋東
認得舊時門巷月明中
臨行卻道君休送
送也成何用
舊游重到未全迷
不信今宵歸路卻從西

一萼紅

湖上春遊

燒痕平悄東風一夜吹綠
上南屏天半箏絃湖邊簫鼓
并作一片春聲淡黃柳纔拖金縷
看幾時飛絮幾時萍
一樣韶華問渠攀折何似飄零
落日又催寒信檢裝

棉半臂便覺多情
幕樹煙濃迴船浪急
天氣難定陰晴
黯回首踏歌聲斷
莫忘卻前度白鷗盟
腸斷年年芳草
祇近離亭

八聲甘州

南屏山看紅葉有感

算繁華已到盡頭時
零落好收場
怎重新裝點
枝枝葉葉一片春光
埋怨天公多事
幻影太荒唐
幾日西風急
又早飄颻
卻似悲歡無定已
迴腸斷了再續迴腸問
秋波臨去何苦
一回望冷落
心情到此怎當伊
淡抹與濃妝
休留戀早些打點
衰草斜陽

繼振

字又雲漢軍旗人

鷓鴣天

隔一重城萬緒紛愁風愁雨幾黃昏最關心事無消息
瞞得人來有夢魂 愁疊疊未堪論寸心無計與溫存
安排腸斷卿知否冷雁疎鐘莫與聞

木蘭花慢

把闌干倚徧最無奈倦人天想翠袖單寒紅綃溼盡別
樣堪憐纏綿道儂不意怎臨風猶把舊題箋爲問歸期
近遠背人偷卜金錢 徒然鏡約盼重圓香夢欲成煙
早畫屏低掩無心憐取鈿雀金蟬濺濺莫拋淚點向枝
頭恐誤了嘯鵲且把東風暗咒斷腸休似今年

鄧恩錫

字晉占金匱人官浙江慈谿縣丞有清可亭詞一卷

沁園春

之官浙江留別同社諸子

一出門庭莽莽天涯淩其暗傷憶沈淪十歲腰刀手板
浪游千里店月橋霜犢鼻傭酤螭頭奏賦儘減相如舊
日狂飄零久祇聲名草賤羸道貲郎臨歧百感茫茫
早世味酸辛已厭嘗是不侯李廣羞譚邊策有家張翰
翻捨江鄉綵綫牽身縑塵撲面慙愧重登傀儡場梁谿
畔讓吟朋無恙泉石徜徉

菩薩蠻

私變

嬌花寵柳尋前夢粉痕薄褪鬢輕動側側上階飛天涼
氣力微芳情空自惜欲覓殘枝歇輒翅懶馱香西風
抱葉黃

又 其二

翩翩休說腰身好風光不似當時了儘自小徘徊一叢
紅蓼開消除輕薄意畧試清涼味魂妥冷香中疎花
猶護儂

王

起

字硯香錢塘人咸豐九年舉人有緣淨軒詞

淒涼犯

題評花仙館詞仿石帚四聲詞爲金韻仙孝廉及汪夫人玉卿伉儷合稿汪已下世

玉釵恨折春無主仙雲倏化癡蝶鑲窗黯粉朱樓墜夢
夜釭明滅冰綃淚咽怕消受衾兒似鐵算當時香熏雪
澣滿紙變淒絕顚顚華年度雨打芭蕉井凋梧葉翠
箋檢點忍重歌斷腸殘闌譜雙聲把蘭絮因緣悟徹
耐青鸞獨伴鏡檻對冷月

譚廷獻

字綠生仁和人諸生有蘼蕪詞

生查子

牽衣話別時。門掩清秋夜。月沒曉星沈。門外蕭郎馬。
思君不見君。夢雨榴花謝。草色似青袍。生滿閒亭榭。

高陽臺

越山秋夜

玉樹花殘金尊酒盡。溪山滿目。清秋病渴。相如瑤琴欲
撫。還休涼風激水。哀蟬老念漢宮詞。筆空留。更難堪點
點流螢飛上簾鉤。闌干舊是銷魂地。乍霜樓碧瓦煙
鎖。紅樓對坐。調笙宵分。夢到前游。天涯著意憐芳草。奈
王孫潦倒江頭。便從今。有限西風無限閒愁。

又

槩落潮平雲移月。度青山。容易秋風。半不分明尋春已

是愁中羅衣顏色都非舊況西園深淺花叢可憐儂欲
采薜蘿難定行蹤渡江曲調翻桃葉奈銀箏柱冷錦
瑟塵蒙微雨當樓珮聲還在牆東煙霜庭院多衰草怕
登臨人似飛鴻更愁儂樹又凋零水又空濛

更漏子

酒杯停人語細月午繡簾垂地收玉鈿卷羅衣海棠顚
顚時清漏斷迴腸轉誰道秋宵更短纔半響又三更
疏鐙聞雁聲

芳草 贈別

問西風玉階芳草門前便是天涯驪歌聽唱徹漫持殘
酒淚滿金杯羅衣親拂拭戀餘香曾入儂懷暫握手恩

恩不語斜日樓臺 頻催滿堂絲竹離亭畔恁許徘徊
登車還在眼玉容顚顚損首莫輕回銀屏人寂寂有年
時明月重來算此後翠衾夢斷夢亦疑猜

高望曾

字成父號茶菴仁和人諸生有茶夢菴詞

水龍吟

關天竹

靈根謫向瑤宮十分瀟灑仍依舊露凝顚細霞烘色豔
雪欺枝瘦桐乳低懸櫻脣圓綻忍寒三九看星星幾點
似心似淚拚贈與柔荑手 莫比相思紅豆料情天結
胎難就頻伽異鳥還應錯認珊瑚翹秀日暮依依檀欒
小樣袖羅誰守算今生證果便無花分也春風鬪

大聖樂

饒秋次費洲韻和楊晚嵐錦雯

苔徑雲封豆籬煙暗薄陰籠樹倚小闌吟到商聲敗葉
打窗清響似攪疏雨莫問舊時題紅怨共鳴咽迴潮沈
斷浦秋光杳對萸菊尊前愁歌金縷天涯可憐夢苦
聽柔艣搖空孤雁語道晚寒催換斜陽難縮離懷何許
怕卷畫簾西風冷賸衰草淒迷深院字霜華緊早分付
夾衣裝絮

長亭怨慢

中秋夜自松陵放舟泊烏戍微雨新霽涼蟾破空圓顧蒼茫不聞人語荒煙蔓草間蛩聲切切慘動入意余方薄醉感戚此解復以竹笛和之其聲清渺山水皆失色也

頓飛散蕭蕭涼雨碧漢斜流玉蟾微度去去扁舟夜深
搖夢落前浦旅懷休訴空自恨歸期誤一笛寫秋心漸

吹下滿天風露。淒楚歎征塵遍地付與暮蛩吟苦南
樓勝賞更休問庾郎詞賦第一是煙水秦淮早零落舊
時簫鼓試忍淚遙看雲外斷鴻無數時鏡仁兄客壽臺
崑叔兄客閩中未
歸故
及之

徐同善

字公可駐防廣州漢軍正黃旗人戶
部陝西司筆帖式有花影彈雀詞

祝英臺近

展愁眉開笑口春夢尙相擾雨雨風風催出路芳草任
伊綠遍天涯王孫經慣只休遣玉人知道黯懷抱應
悔覓取封侯青青誤年少短劍飄零客鬢頓衰老那禁
冷柝敲霜哀笳吹月更攙和思歸琴調

諸可繼

字述齋號小膝錢塘人諸生官都察
院額外都事蚤卒有潛安賸棄埭詞

雪獅兒

題夏荳谷金鈴小犬圖

隔籬輕吠蓮塘浴後柴扉人語搖尾乞憐幾輩形容如
許銀毫寫處遙想像花陰日午廝守也重門雙掩瓊嬈
仙府除卻宣和舊譜更金鈴小幘豔傳千古蝶化魂
歸剩墨伊誰重補吉光片羽憑私淑門人牢護謂劉君鐵蓮
誰其伍神妙虎頭堪數

諸可寶

字璞齋號遲菊錢塘人
諸生有捶琴詞一卷

張鹿仙曰捶琴詞長調作穿雲裂石之聲小
令又極柳絮鶯鶯之致其得於天者獨俊又
况年少不廉烏能測其所至

蘭陵王

旅思用清真韻

峭帆直雲葉風梢破碧斜陽裏無限浪花鳴綠鶯黃弄

晴色行行正去國相識煙波釣客剛攜到春酒半壺出
水鱸魚殼三尺重停嬾鴻迹記醉舞中流橫挂層席
天涯奔走愁衣食看萬里迢遞數枝清冷梅華曾寄大
庾驛遠懷滯河北心惻夢空積漸遍閱霜籬花事岑
寂長安風景清遼極有夜半舒嘯倚樓長笛邯鄲留枕
待睡醒漏幾滴

浣谿紗

舊恨新愁兩不饒人間何事只魂銷寸牋難寫畫難描
酸入天心梅子雨信回江口雪花潮小樓排日盼歸
橈

又

暈臉輕潮帶宿醺下階揉損薄絲裊碧桃華底總逢君
疑雨疑雲迷楚夢傷春傷別例司勳關干曲曲記回

文

鶯囀序

舟次紀感時官軍初下金陵

西風遠吹病燕過秦淮古渡祗如此蒼莽江山戰塵多
少鼙鼓對荒岸平蕪十里斜陽儘送絲華去好相參得
失前朝隙雲飛聚太息雄城鬱鬱王氣枉龍蟠虎踞
十年裏殘劫紅羊舊時豪傑何處蚤枯支埋沙萬骨更
顱血縈刀千縷付今宵刁斗樓闌健兒酸語桃花畫
扇燕子春燈有幾多錯鑄剛看到大旗紅日萬騎千乘
緩帶將軍列侯開府饒歌鼓吹旌幢牙纛山河重攬東

南勝怕回頭細讀蘭成賦新愁舊感休題鐵馬金戈孝
陵黯澹煙霧天涯倦客少小曾游認昔年故步奈兩
度劉郎來到望眼淒清巷陌堆蓬板橋髡樹瘡痕滿地
乾坤無恙傷心私顧顛顛影念家山偷弄琵琶柱聽他
終古嘯鴉也說興亡不堪激楚

河傳

南浦春草夢梨雲芳草年年送君博山小鑪香自熏氤
氲月圓差二分柳外東風吹酒面金縷綫穿扎桃花
片炙銀笙調乳鸚四更夢來人不迎

買陂塘 菱花

正初秋迎涼送燠橫塘西畔波冷菱繩曲界吳船路剛

國朝詞綜續編

卷三十一

五

認小花妝靚羅幃淨看顧影亭亭卻步秦宮鏡酒殘夢
醒問輓角初胎素心悄掩幽豔更誰並江南恨多少
新歌相贈秋容如此端整滿兄蓮子都無意打槳自邀
蘭艇風半定有細細香痕吹得閒鷗暝煙波萬頃又一
縷湖雲一丸潭月綽約伴芳影

周洪彝

字仲敘號通君烏程人諸生有夢笛詞

念奴嬌

蘆

露愁風咽任蕭蕭一片作成秋色疎處還將紅蓼補斜
插數枝幽絕此日飛花他年羌管恨與清流別枯蓬休
問爲誰今已頭白最宜涼雨翻時夕陽紅際作勢相
欹側漁父歸來橫笛晚吹起半湖晴雪雁夢沙寒蟹燈

夜閃渺渺煙波隔行舟遮斷但看帆影明滅

疏影

秋雨

紅曉翠咽向碧空淨洗如許秋色織碎煙痕愁裊風絲
幾度纔零還歇濛濛又近黃昏後奈一晌燈殘香滅想
短籬花淚闌干夢冷暗蛩荒蝶滴破幽情未了閣鈴
自語處相和淒切并畔梧桐窗外芭蕉總是聲聲清徹
忽看雁影微茫裏更孤帆低接記那回客館尋詩
響入滿山寒葉

戴賡保

字勉齋元和人現官浙江
布政司理問有憶梅詞

喝火令

節近重陽黃花競放異鄉獨客難遣離愁
讀漱玉九日醉花陰詞真覺消魂欲絕也

禪向空中悟情從夢裏牽相思紅豆種庭前妒殺一雙

蝴蝶占住海棠邊
酒飲初三月琴彈第五絃
思量舊事暗淒然
一樣西風一樣菊花天
一樣菊花天氣人影渺秋煙

施山

字壽伯號望雲
會稽人太學生

卜算子

題樊雲門茗花春雨填詞圖

何處覓春愁
愁在花穠處
細雨絲絲溼茗花
縹弄傷春句
春自帶愁來
不解將愁去
賸有填詞一片心
畫裏人知汝

樊增祥

字雲門恩施人太
學生有雲門詞

買陂塘

菱花和譜十一遲菊韻

泛秋光
兜回淺渚湖西亭子香冷纖纖
輭角擎花笑倩

女生來明靚波穀淨看一約秋絲宛轉開妝鏡西風酒
醒指波面浮青水心繡碧差與越娃並牽新恨打點
秋芳相贈蘭橈無奈重整連錢荇菜蕭疏夢人在鴨頭
孤艇歌乍定任花外涼煙煙外雙鴛與銀塘二頃是剗
鞦神情縞衣風度和月鬪清影

減字木蘭花

感舊

紅蘼謝了錦缺銜花曉到曉窄窄蓮勒小影淩波故未
消東風瘦燕病過荷花秋未健紅淚盈檐不化鴛鴦
化杜鵑

采桑子

荆江晚泊

輕艘急槳沙頭路烟水蒼涼落了斜陽月比離人色更

黃 昨宵燈火今宵夢直恁淒涼儘著思量偏是閒愁
不健忘

又

娟娟月子隨人慣寫影春田鎖夢秋煙曾見家鄉幾度
圓 碧鸞一去桐心頽燕子簾前鷗鷺江邊一樣青燈
一樣眠

石守彝

字少岳吳縣人諸生有棲雲琴趣詞

菩薩蠻

記別

出門便是天涯路臨歧欲語偏無語隔院一枝簫盈盈
雙淚拋 颺歌歌宛轉目送江南遠今夜木蘭舟吟魂
依畫樓

臺城路

同人集花韻食餞春

殘英零瓣紛無數韶華暗催人老帽影簷花鞭絲試馬
好放冶遊懷抱燒鐙過了算酒殘詩筒遺愁多少一刻
恩恩千金休易寺鐘曉歡場暗嫌草草鷺鷥星散盡
能幾同調慘綠光陰落紅心事都是斷腸詞稿垂楊細
裊只小閣淩波儘人憑弔商畧尊前醉吟滋味好

謝玉樹

字仲嘉
嘉善人

謁金門

花事寂愁緒絲絲如織紫燕簾前商出入一襟紅雨溼
春困恹恹無力柳岸亂飄晴雪目斷天涯芳草碧王
孫歸未得

徐增禕

字懿門
荆溪人

鎖窗寒

秋雨

冷霧斜橫寒煙密鎖釀成秋雨絲絲細織別引一番愁
緒最淒涼空階韻長卻教有夢無尋處但卷簾徙倚吳
淞遙憶舊時漁浦蟲語悲清露比繡閣佳人淚多幾
許梧桐滴響又替淋鈴翻譜儘銷魂鐙影漸微敗蕉落
葉聲滿戶待更深霽色開時月上銀河曙

卜算子

岫遠覺天低木落因風勁雲裏孤鴻不忍嘯寂寞憐秋
影秋老怕人知秋去人誰省覓遍長亭與短亭一帶
斜陽冷

楊錦雯

字晚嵐號綱士
錢塘人諸生

洞仙歌

有感集吳夢窗句

笙歌未散趁嬌塵
輭霧芳節多陰晝
閒度正漏雲篩雨
空霧飛香謾長是輕送年華如羽
二十年舊事望極
藍橋幾點疏星映朱戶
飛夢逐塵沙
暮靄宮梅記前度
劉郎曾賦怪翠被佳人去
難留歎病渴淒涼鬢華如許
一夢紅

有感集張玉田句

更堪嗟望美人不見
那處認紋紗
笑眼窺簾輕妝照水
猶疑春在鄰家
怕不是當初伴侶
卻如何憐我鬢先華
都是淒涼怎禁離別
風月吳娃
重到翻疑夢醒有相
思都在疎柳唳鴉
玉老田荒江空歲晚
憶昨誰弄琵琶

笑問我韋孃在否隱芙蓉幾被暮雲遮回首曲終人遠
愁滿天涯

齊天樂

賦鶯集李供奉韋蘇州聽鶯詩字

玉笙忽聽花間弄朝暉未來南苑紫陌煙新青門曙早
殘漏宮城纔斷情人夢遠自不鎖閒愁一聲鶯轉曉在
兒家繞樓何處近相喚東風枝上乍卷好春迴百五
時已過半綵輦隨雲雕楹耀日飛向蓬萊千轉園樓樹
暖又學作嬌音曲翻能變柳碧池清出林猶意嫩

馬書城

字藏山號竹漁平遙人

金縷曲

機聲

軋軋知何處隔窗紗雲鬟欲彈盈盈倩女寸寸相思裁

不斷好託迴文細訴莫計較嫁時機杼幾度拋梭渾未
肯怕西風寒到衣無絮鄰壁外又敲雨井闌絡緯鳴
將曙最關心征人夢冷剪刀辛苦樓角鐙青憐夜永那
有春鶯對語卻一遞一絲一縷縷縷都傳哀怨意似柔
腸密密尋端緒還付與算碓去

芮

達

字蕪碧號宜庵江都人

金縷曲

卽銀聲

朱戶沈沈閉上鐙初料無人到銅壺凝水隔著葳蕤遙
送響疑似隔鈴敲碎怪小犬繞花低吠欲喚紅鸚鵡問
訊有誰來昏月層檐底孤夢破在教起長門想是銷
魂地踏苔階幾番推手幾番斜倚悄拂金鋪愁露溼無

奈夜深風細又只恐玉肩遲啟
依約空廊環珮動卻還防轉入
眾恩裏閣於久試彈指

秦

蠟

字玉生號綺園江都人

摸魚子

篆影

認氤氲玉檀深熱銅盤香裊紋細團團結就回文樣映
向茜紗窗裏心印字怎便似盤旋曲折如人意琴絃倦
理儘片晌消寒更番候火繚繞寸腸繫瓊篝倚紅袖
頻添小試而今閒殺鴛被簾垂莫認生波磔卻礙半鉤
斜曳殘夢殢倩一縷柔絲扶得秋魂起煙雲旖旎更銀
鴨熏殘金猊炷久誰領箇中味

戚人錄

字鶴年諸生德清人著有鎖紅詞草一卷

張鹿仙曰鎖紅詞多驚才絕艷之作纏綿溫
麗猶見金荃之遺

尋芳草

無限傷春意更盼斷相思烟樹小重山隔住人千里隔
不住愁千縷獨自上妝樓看飄泊滿庭飛絮悄東風
吹到春歸處吹不到人歸處

更漏子

月鉤斜更漏靜香夢無端驚醒鈴語悄玉痕尖捲簾銀
甲纖蒼苔立殘紅拾一半相思淚溼釵影髯鬢絲垂
春愁壓黛眉

浣谿沙

依舊東風颭玉鉤腰肢減卻幾分柔憐他憔悴替他羞

眼色已添新別恨眉棱猶帶舊時愁見人特地不回頭

釋妙塵

字鐵岸寶山人有芬陀利室詞

黃韻甫云鐵岸年少負才而隱於浮屠氏所著芬陀利室詞頗犯綺語戒豈落花禪榻結習未除抑憂憤不得志有離騷美人之感乎吾不能辨之矣

摸魚子

春感

過清明畫橋人散天涯知漸春暮名花一半東風惡又被無情絲雨愁幾許算只有垂楊尙勸流鶯住海棠怨否問靚影誰憐別來幾日淚眼竟無語芳菲節重憶秋千何處樓高終把人誤鴛鴦照水橫波媚換了淒涼鷗鷺應更苦縱盼斷江潮不見雙魚素如今倦旅但酒

病詩醫魂消夢受目送亂紅去

浣谿沙

海月紅生夜碧流花魂扶影下西樓
笛聲誰按小梁州
未入夢來先怯別便爲雲去也多愁
一絲風挂翠簾鉤

齊天樂

齋頭杜鵑花冉冉落矣昔人所云斷腸人
遣傷心事多者遇物言情淒黯之聲不能
卒曲

名花不奈東風惡盈盈化爲春淚冷落鶯情闌珊蝶夢
千里芳心誰寄斜陽暮矣看葬入香泥酒澆不起黯澹
光陰碧天如夜夜如水翠禽枝上細說一聲聲怨苦
零亂羈思破驛燈昏高樓鏡瘦未必空山無此看來不

是是短命佳人病懨懨地蜀國哀絃斷魂殘夢裏

浪淘沙

涼夜夢迢迢鐙影孤飄秋心都付與芭蕉又是一枝梧
葉下特地魂銷 前事憶紅橋聲咽瓊簫畫中人送鏡
中潮腸斷去年江北淚流到今宵

浣谿紗

菡萏香銷冷翠痕西風嫋嫋水沄沄亂蟲聲裏掩柴門
幾點病紅飄雨淚滿庭秋綠瘦煙魂小樓銀燭又黃
昏

蘭陵王

秋柳用清真韻

暮煙直淒斷湖橋瘦碧陽關曲前度送人折取香綿贈

行色芳萍寄水國誰識鶯花故客秋千畔寒食舊遊韋
社城南去天尺佳期杳無迹祗藕外停船鷗際移席
音書珍重安眠食看玉勒人去畫樓天遠長亭芳草接
敗驛隔雲樹江北心惻淚頻積怨絮影飄零長恁孤
寂腰肢有限愁無極奈萬里征戍一聲哀笛西風殘露
盡化作恨淚滴

阮郎歸

玉驄人去畫樓西天涯芳草低落花情願作香泥但隨
郎馬蹏新燕語舊鶯囀小園蝴蝶飛春風昨夜解羅
幃今朝裙帶吹

釋

達塵

字月樵震澤人梅堰顯忠寺僧主
長慶寺講席有一指窩詩餘一卷

少年游

鶯湖泛棹圖

芳草如煙綠波如縠迤邐水雲鄉輕槳雙划平湖萬頃
宛在小瀟湘先生自署鶯湖長簑笠任行藏樹裏鐘
聲沙邊鷗夢塵事淡相忘

周道昱

字靜庵烏程人南潯廣惠宮道士有補閒詩餘

漁歌子

雨過

料峭東風織嫩寒深深庭院綻春蘭煙漠漠露團團譜
就新詞調紫鸞

張

謙

號雲樵海鹽人邑廟道士

菩薩蠻

寄懷黃鶴樓茂才

笛中楊柳琴中雪兩般聲調誰淒切入耳總相思伊人

渾不知 夜涼微雨歇起看疎林月獨自繞池塘藕花
秋水長

國朝詞綜續編卷二十一終

錢塘宗景藩子城校刊

國朝詞綜續編卷二十二

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

顏氏 二首

賀雙卿 十首

陳銀 一首

顧妙 一首

張學典 一首

沈榛 一首

李璵 一首

蔣紉蘭 一首

許燕珍 一首

任玉卮 一首

惲氏一首

徐紹芬一首

陳素安三首

曹玉雨五首

錢孟鈿二首

江珠一首

張芬二首

尤澹仙二首

陸瑛二首

李媼二首

王倩五首

莊燾一首

張屯一首

張芥一首

陸烜一首

浦夢珠六首

曹佩英一首

顧蕙一首

朱美英一首

汪衡二首

趙我佩四首

顏氏

曲阜人孔興焯室吏部郎中光敏女康熙間廷表節孝有晚香詞

浪淘沙

簫史韻淒涼月冷筠廊本來勁節傲冰霜地下人間心
一點幻影茫茫白髮兩高堂暮景悲傷親調藥餌檢
丹方淚灑西風紅葉裏一帶斜陽

點絳脣

題孔菴光女史藉蘭詩後

黃鵠吟餘聲聲字字雲鵲咽素心淒絕鸞鏡悲殘缺

點筆窗間樹樹鵲啼血冰心潔冷如寒雪皎似天邊月

賀雙卿

字秋碧丹陽人金沙緒山農家周某室有雪壓軒詩詞集

黃韻甫曰雙卿詞如小兒女囁嚅絮絮訴說家常見見聞聞思想曲曲寫來頭頭是道作者不自以爲詞閨者亦忘其爲詞而情真語質直接三百篇之旨豈非天籟豈非奇

才乃其所遇之窮爲古才媛所未有每誦一
過不知涕之何從也

鳳凰臺上憶吹簫

殘燈詞

已暗忘吹欲明誰剔向儂無燄如螢聽土階寒雨滴破
三更獨自慄慄耿耿難斷處也忒多情香膏盡芳心未
冷且伴雙卿 星星漸微不動還望你淹煎有箇花生
勝野塘風亂搖曳魚燈辛苦秋蛾散後人已病病減何
曾相看久朦朧成睡睡去空驚

又

寸寸微雲絲絲殘照有無明滅難消正斷魂魂斷閃閃
搖搖望望山山水水人去去隱隱迢迢從今後酸酸楚
楚只是今宵 春遙問天不應看小小雙卿嫋嫋無聊

更見誰誰見誰痛花嬌誰歡歡喜喜偷素粉寫寫描描
誰還管生生世世夜夜朝朝

望江南

春不見尋過野橋西染夢淡紅欺粉蝶鎖愁濃綠驕黃
鵲幽恨莫重提人不見相見是還非拜月有香空惹
袖惜花無淚可沾衣山遠夕陽低

溼羅衣

世間難吐只幽情淚珠嚙盡還生手撚殘花無言倚屏
鏡裏相看自驚瘦亭亭春容不是秋容不是可是雙
卿

二郎神

菊花

絲絲脆柳裊破淡煙依舊向落日秋山影裏還喜花枝
未瘦苦雨重陽挨過了虧耐到小春時候如今夜蘸微
霜蝶去自垂首 生受新寒浸骨病來還又可是我雙
卿薄倖撇你黃昏靜後月冷闌干人不寐鎮幾夜未鬆
金扣枉辜卻開向貧家愁處欲澆無酒

孤鸞

病中

午寒偏準早瘧意初來碧衫添襯宿髻慵梳亂裏帕羅
齊鬢忙中素裙未浣摺痕邊斷絲雙損玉腕近看如繭
可香願還嫩 算一生淒楚也拚忍便化粉成灰嫁時
先忖錦思花情敢被爨煙熏盡東菑卻嫌餉緩冷潮回
熱潮誰問歸去將棉曬取又晚炊相近

黃花慢

孤雁

碧盡遙天但暮霞散綺碎翦紅鮮聽時愁近望時怕遠
孤鴻一箇去向誰邊素霜已冷蘆花渚更休倩鷗鷺相
憐暗自眠鳳凰縱好甯是姻緣淒涼勸你無言趁一
沙半水且度流年稻梁初盡網羅正苦夢魂易警幾處
寒煙斷腸可是嬋娟意寸心裏多少纏綿夜未閉便倦
宿平田

摸魚子

謝鄰女韓西饋食

喜初晴曉霞西現寒山煙外青淺苔紋乾處容香履尖
印紫泥猶軟人語亂忙去倚柴扉空負深深願相思一
綫向新月搓圓穿愁貫恨珠淚總成串黃昏後殘熱

誰憐細喘小窗風細如箭春紅秋白無情豔一朵一儂
難選重見遠聽說道傷心已受殷勤餞斜陽刺眼休更
望天涯天涯只是幾片冷雲展

春從天上來

餉耕

紫陌春晴漫額裏春紗小梅春瘦細草春明春田步步
春生記那年春好向春燕說破春情到如今想春殘春
淚都化春冰憐春痛春春幾被一片春煙鎖住春鶯
贈與春儂遞將春你是儂是你春靈算春頭春尾也難
算春夢春醒甚春魔作一春春病春誤雙卿

又梅花

查西清散記調同而詞異

自笑慳慳費半晌春忙去看花尖玉容顚顚知爲誰添

病來分與花嫌正臘衣催洗春波冷素腕愁沾歎東風
枉寒香一度新月纖纖多情滿天墜粉偏只累雙卿
夢裏空拈與蝶招魂替鶯拭淚夜深偷看楞嚴有傷春
佳句酸和苦生死俱甜祝花年向觀音稽首掣遍靈籤

陳

銀

字令儀號一塘又號練湖
丹陽人有黨山齋詞草

搗練子

卽事

添沈水理瑤笙寶簾搖曳細風生偷將離恨花前訴只
恐鸚哥浪學聲

顧

妙

字啓姬錢唐
人鄂幼與室

吳蘋香云啓姬著有靜御堂集精音律所製
詞曲有一輪月照一雙人面句爲王阮亭尚
書所稱

滿江紅

泊淮示夫子

一葉扁舟輕帆下停橈古岸燈火外幾枝疎樹人家隱
見漂母祠前荒草合韓侯臺上寒雲斷歎從來此地困
英雄江山慣窮愁味君嘗遍人情惡君休歎問前村
有酒金釵拚換舉案無辭今日醉題橋好遂他年願聽
三更怒浪起中流魚龍變

張學典

字古政號羽仙太原人張佚女明季楊忠節
廷樞媳吳縣楊无咎室有花樵集倡和吟
江南通志云學典工詩詞與夫偕隱日手經
史教二子繼光繩武皆成名著花樵集十餘
卷姊妹七人皆有集

蘇幕遮

秋海棠

嫩舒紅輕翦翠拂拭新妝一種天然媚淺暈燕支疑宿

醉力怯憑闌香夢初驚起 映殘霞籠曉霧嬌態含情

欲語還羞吐自是月中丹桂侶一夜金風吹向瑤階

沈

榛

字伯虔一字孟端嘉善人明南昌司理沈德滋女進士錢黯室有松籟閣集附詞一卷郭頻伽詩話云嘉善沈夫人榛蔣夫人紉蘭詞最爲清絕

如夢令

兔影紗窗移過綠竹風敲聲破秋冷透羅衣形影平分

兩箇孤坐孤坐玉濕清砧相和

裊裊垂楊臨水庭下杏花開未明月驀移來逗破玉牀

鴛被無寐無寐又被鳥聲驚起

李

璚

字玉樹長山人趙伯麟室有梅月樓草詩餘

山左詩鈔玉樹明戶部尚書長白先生士綢裔孫也工書能詩年三十八卒有梅月樓草

及詩餘一卷清麗可誦

江南春

風習習水漪漪燕來春意足蝶舞落花遲碧天斜日橫
雲斷自在嬌鶯深樹囀

蔣紉蘭

嘉善人

長相思

思懸懸望懸懸人去天涯欲見難音書更杳然
愁懨懨病懨懨愁病支離葬玉顏問君憐不憐

許燕珍

字儼瓊一字靜含合肥人龍溪縣令

許其卓女諸生汪鎮室有菊餘小草
見山樓墨話許靜含菊餘小草詩多健句尚

念奴嬌

新柳

橋邊陌上看如畫一抹層層綠綺輕暖輕寒時最好蕩
颺碧波新水嫩葉梳煙軟條掠雨細細絲難理瘦腰半
捻如何載得春起最愛柔態纖盈向人綽約搖曳欺
桃李寒食未過剛二月小似簸錢年紀別館休攀離亭
莫折畱取東風裏誰吹羌笛有人愁正無已

任玉卮

荆溪人諸生任頌
女監生吳斯室

蝶戀花

春雨催花知幾許盡日濛濛灑遍江頭樹纔喜春來春
又暮一年好景成孤負滿目飛花兼落絮卻趁東風
冉冉隨春去只有梁間雙燕語聲聲還在儂家住

暉

武進人丹陽吳維室八月夫死遺腹子
名思祖授以詩書爲名諸生有咏懷集

望江南

秋懷

秋來也羅帶不勝腰綠暗紅稀芳信改只餘怨種與愁
苗常伴可憐宵

徐紹芬

字滄清號印山丹陽人姜彥初副室

搗練子

秋夜

垂羅幌擁香衾銀釭明滅夜沈沈無端鐵馬聲頻送幽
夢驚殘月半林

陳素安

字定林仁和人陳星垣女侍御鴻賓女弟同邑沈世燾繼室有生秋閣集一卷

調笑令

詠蝶示舍妹慕潔

蝴蝶蝴蝶記取花香時節雙雙舞白翻黃影弄簾帷日
長長日長日飛上箇人裙褶

憶王孫

春夕

花梢斜挂月纖纖繡綫才拋玉指尖燕子喚人不下簾
悶懨懨翠黛愁多不用添

鎖窗寒

閨情

砌竹搖波瓶花弄影月痕微度新寒太甚怕啓綠窗朱
戶聽簷梢風耶雨耶攬來落葉紛無數和碧梧牆外瓊
簫一曲斷雲歸去無緒傷孤處見絳蠟燒殘淚珠似
許脂痕拭盡莫到心灰無主背銀釭愁整鳳衾者宵怎
覓前夢處喚侍兒且放羅幃靜數更籌五

曹玉雨

新建人地山先生秀先孫女

吳子律蓮子居詞話西江曹玉雨謝家門第左家才調合而有之

金縷曲

燕子歸來又鬪輕寒廉纖細雨清明時候長遍階前芳
草色妝點韶華依舊更消得幾回倻倻綠暗紅稀春漸
老恐淒涼花亦如人瘦愁只繫萬絲柳 瑣窗一縷香
殘後夢初醒者番顚顚非關病酒別有傷心無限意試
問東風知否怎吹去眉間顰皺記得當年離別恨到而
今淚尙盈衫袖思往事但回首

玉漏遲

燈

綠陰涼月暗湘簾欲下紗籠漫卷病起支離瘦影怕教
重見休認夜珠一點繫多少春愁秋怨思無限漏消香
盡酒闌歌散 曾記舊日蘭闌正翦燭分題尙嫌宵短

爭似而今祇解照人腸。斷況對疎窗冷雨，更獨倚熏篝。
挑倦鄉夢遠，心緒落花零亂。

相見歡

夜闌玉篆香消，漏聲遙。獨自鉤簾新月上，花梢鄉夢。
斷春燈暗，鎮無聊。閒疊紅箋小字賦櫻桃。

沁園春

闌干

掩映花間，隱約簾前。春痕數重，見橋橫水榭，湘紋遙接。
廊環幽徑，亞字疎通，錦幔難遮。金鈴無礙，一抹斜陽下。
繡櫳堪憐處，護綠陰、宛轉香影玲瓏。舊游怕覓芳蹤。
憶數遍東風，冷露中正間吟柳絮。玉纖輕拍，慢調鸚鵡。
翠袖微籠，寂寞人歸，依稀夢斷。愁與迴腸九曲，同空惆。

悵剩年來別淚相共凝紅

綺羅香

搓絮成團吹花作片怎得低徊春住數遍金鈴新綠暗
窗如許拂樓角蛤粉香殘墮簾額蟲絲塵污柰東風離
恨難消畫闌一抹露紅嫵等閒苑冷秋千說甚湔蘭
被夢惜花芳序試問呢鵲喚得春歸何處漸晝永蓮漏
頻添更愁續蕙鑪濃炷憶舊雨客社淒涼怕聞歸燕語
錢孟鈿字冠之武進人錢文敏公維城女
山西進士崔龍見室有浣青詩餘

蝶戀花

著雨林花紅暈溼風裊晴絲吹入眉峯碧綠遍池塘芳
草色催歸杜宇聲聲急病起綠窗春事寂何處畱春

深院濛濛月金縷歌殘檀板歇海棠夢醒梨雲白

生查子

春山落翠微柳色開青眼小立背東風燕子穿花轉
揉碎碧桃花園作相思繭芳草滿天涯此意憑誰遣

江

珠

字碧岑號小維摩吳中人有青藜閣詩詞

鳳凰臺上憶吹簫

和心齋大兄題蕪孫妹流紗詞卷作

雲母窗深水晶簾靜吟來好句難酬粲銀鉤小字巧語
鶯偷爲惜春光窄窄怎禁得如許閒愁腸斷也珊瑚敲
折無地埋憂攢眸落紅陣陣遺遊絲斷絮爭上眉頭
是書生不櫛獨擅風流贏得青衫溼透都付與檀板清
謳頻回首簫聲縹緲何處秦樓

張

芬

字紫繁號月樓長洲人州同夏清和室有兩面樓詩詞稿別雁吟草

虞美人

夜坐憶汪媛

別時愁對經秋柳紅淚沾衫袖
今宵恰是月圓時只見
霜條露葉不成絲
金鍼彩綫餘殘繡
忽忽情懷舊小
春芳信到南枝
試問青山何處寄相思

玉蝴蝶

秋蝶同沈蕙孫妹作

一樹丹楓掩映盈條
橘蠹碧繭雙連拾去
暗藏金合羽
化翩翩粉糝徐開金翅
風拂拂漸褪香綿
晚霜天齊
紈已棄無計畱仙
飄然風流誰擬
吳娃十五學舞樓
前疎柳
閃花春光應結再生緣
戀癡情青陵塚上
添詩
思黃菊
籬邊最憐悲秋人
瘦夢破寒煙

尤澹仙

字素蘭一字寄湘吳中人有曉春閣詩詞

點絳脣

春晚和陸素窗妍韻

畫靜簾垂落花滿地驚無語亂愁如許不共春歸去

伫望天涯一帶雲連樹人何處相思難訴分付風前絮

青玉案

寄呈心齋先生

新涼夜散梧桐樹高閣卷簾凝仁人隔蒹葭誰共語風
前短笛柳梢殘月盡是牽愁處浮雲富貴何堪數轉
瞬韶華不如故去去仙源尋舊路青衫雪鬢紅裙淚眼
總被多情誤

陸

瑛

字素窗吳中人貢生羅康濟室有賞奇樓詩詞彙餘稿

點絳脣

春晚

雨雨風風杜鵑聲裏催春去半庭花絮都作離人緒
記得相逢春在深深樹重凝伫柔情幾許沒箇安排處

望江南

憶婉兮嫂

寒成陣風露逼簾旌今夜闌干人獨倚去年小閣記同
登往事不勝情

李

嫩字婉兮吳中人漫翁詩老其永女
吳縣諸生陸景室有琴好樓小製

蝶戀花

得梅垞書

風定高樓籠月暈秉燭殷勤尺素從頭認豈蔻梢頭清
露潤丁香枝上游蠶穩酒醒夜寒翻抱恨未準歸期
誤了何須問滿目淒其人意悶隔谿漁笛三聲近

搗練子

春閨同清谿作

春悄悄病懨懨愁到眉峯兩碧尖如殺呢喃雙燕子尋
巢依舊入風簾

王

倩

字雅三號梅卿山陰人知縣謀文女諸生陳基繼室按陳基字竹士梅卿與金纖纖先後爲竹士婦有洞簫樓詞鈔

長相思

雨夜

風瀟瀟雨瀟瀟燈暈紅星不耐挑夢兒和淚拋
醒無聊醉無聊似恐離人魂未消隔窗多種蕉

綠意

綠牡丹

花開頃刻把好春占斷穀雨時節小院迷離一片煙光
誤他蠶蜨尋覓誰擎翠袖當階舞已壓倒淡妝濃抹似
綠華睡醒瑤臺霧鬢風鬟堆碧漫數藍關舊事並頭

雙笑處眉黛猶溼繡幙深園弄影娟娟譜入清平尤絕
生綃擬寫傾城態拚費卻煙螺一石怪侍兒勸插雲翹
青鬢奈儂非昔

南浦

春水用張玉田韻

一碧影搖空卷晴煙恰似奩開清曉斜颺柳絲絲村南
北已把游塵淨埽棹歌何處鴛鴦驚散圓漚小梅雨幾
番添幾尺漸沒汀洲芳草坐來天上浮槎指鸞環谿
路仙源近了蘋藻半浮沈苔磯溼知有浣紗人到相思
渺渺桃花潭上離筵悄悄見漁郎須問訊流過落紅多
少

又

秋水用張玉田韻

一色遠連天最消凝江上日斜煙曉倒影浸芙蓉澄鮮
極豈待鯉魚風埽楓灣柳港星星紅露漁燈小惆悵楚
魂招不起零落幾多香草者回夢度瀟湘訝沙清石
淺比前退了打槳入蘆花谿橋斷偏有鷺鷥尋到子懷
渺渺浮家人去煙波悄那更霜濃洲渚冷漸漸采菱船
少

高陽臺

蔣藍香名如蘭曲中翹楚也母爲大家遣
妾迷誤落煙花冷淡性成兼工繪事宛仙
女史爲摹拈花小影愁容病骨婉婉可憐
因題此解

索笑拈花怯寒避月珊珊訝是飛仙綠鬢垂絲知他顚
顚年年漫言生小工愁甚便無愁瘦已堪憐語淒然爲
問同心只有湘蘭昨宵夢去分明見記倦眸翦水芳

國朝詩集卷之二十一
氣吹煙空谷香清那容蝶繞裙邊幾多幽怨憑誰訴掩
離騷重整琴絃笑人間桃李尋常並蒂爭妍

莊

燾

字磐山
奉賢人

暗香

和張筆芳梅花詞

四山寒色正小園雪後悠然聞笛細蕾乍勻休認珠胎
誤輕摘畧見橫枝映水漸催動吟香詩筆待畫取塵外
幽芳春思散瑤席仙國正寥寂想庾嶺夜長月華重
積夢回自泣一墮紅塵渺難憶閒向妝臺對影應伴我
湘蘭凝碧問素女瓊佩響幾人聽得

張

屯

字麗然
婁縣人

暗香

和張筆芳梅花詞

溶溶夜色向苔階小立臨風橫笛香襲素裾珠槃盈盈
忍攀摘最愛孤林澹月寫清韻疎簾吟筆卷繡幕玉蝶
飛來春影墮文席南國境沈寂正庾嶺夢回凍雪猶
積翠絃欲泣歷盡冰霜不堪憶還賸一枝瘦骨疎竹外
石寒谿碧閒看取瀟灑致冷情自得

張

芥

字筆芳雲間人
有環翠閣詩詞

暗香

乙丑

春家大人緘示梅花詞用石帚韻敬和

繡窗曉色正夢回庾嶺一聲羌笛小展綠紗對此盈盈
忍輕摘萬點瓊瑤綴樹彩鸞下偷描仙筆月乍過篩影
橫斜香氣拂吟席梅國久寂寂悵萬里路遙夢痕空
積題箋欲泣清冷官齋鎖相憶疑是花神索笑幾朵暈

屏山輕碧恨驛使無便也幾時寄得

陸 烜

字鄂華長洲人
張承卿誦室

郭頻伽曰鄂華善編工詞早歲天折寄渌卿
菩薩蠻詞含思淒婉哀感頑豔真傷心人語
也

菩薩蠻

寄渌卿

釀花天氣春愁重淡雲微雨都如夢金斗熨沈香夜來
鍼綫忙踏青渾懶去女伴空招取多事是黃昏替人
催淚痕

浦夢珠

字合雙

臨江仙

嘉慶甲子上元從芙蓉山館得蘭村先生
臨江仙詞十二闕久深泥絮之悲復動風
蘋之感強收鮫淚研以麝臍依數和成用
申惆悵惟是天名有恨媾補難全水號相

離禹疏不到頻喚奈何冀逢子野竟能恹
過尚望連波錄奉璧雙夫人正之薛濤箋
小難過書薄命之詞素女笙清或善譜工
愁之曲耶

記得春閨初學繡花綳高似身長金鍼拈得費思量不
分花四角何處到中央 碧綠青紅親手理殘絨睡上
紅窗嬌癡渾未識鴛鴦怪他諸女伴偏愛繡雙雙

又

記得鬟絲初覆額綠雲低壓眉齊人誇心巧有靈犀簪
錢贏智妬鬪草勝蘭姨 月影一庭邀小婢迷藏閒捉
樓西往來花底影迷離怕人聞響屢剗韞上唐梯

又

記得水紋涼不動一天雲浸魚鱗畫船欲上更逡巡羅

衣輕似葉香借藕花熏
忽地白蘋風起處蘭橈吹近
湖濱關心未肯采紅菱憎他絲宛轉生性解纏人

又

記得雙星偷拜日輕開榻子冰紋沈沈深院寂無人生
憎風一陣低揭藕絲裙
八尺藤牀紅玉枕桃笙一綫
涼痕恹恹夢破乍迴身鬢鬆誰替整狼籍一窩雲

又

記得消魂橋畔路無端細馬馱歸簾無長遍舊紅闌縷
金箱啓處塵滿五銖衣
聞說犀簾紅淚漬檀奴瘦減
腰圍紅牆不隔燕雙飛怪伊難寄恨只解啄芹泥

又

記得傷春經病起日長慵下妝樓慧因悔向隔生修草
偏栽獨活花未折忘憂一幅生綃窗下展親將小影
雙鉤畫成未肯寄牽牛只緣描不出心上一痕秋

曹佩英

字小琴
王井叔嘉祿室

曲遊春

題顧晚芳夫人畫海棠花

小院春陰裏正繡牀人倦閒放刀尺殺粉調鉛寫煙愁
依約海紅簾隙細雨燕支溼恰纔展絳綃輕裊料夜深
喚起華清嬌墮翠鬟無力豔絕雕闌春色記聘到梅
花開過寒食銀燭黃昏怕紅成瘦損綠催消息斜倚秋
千側試添箇春人吹笛更著一幅新詞錦心細織

顧

蕙

字晚芳
吳縣人

減字木蘭花

題湘花館圖

簣簣夾路如向瀟湘深處住小築三楹翠繞庭前畫不

成

余曾寫是圖殊愧不工也

彩毫春暖頃刻圍屏花葉滿茶熟重

看窈窕靈妃秀許餐

朱美英

字蕊生海鹽人

沁園春

茉莉

玉琢玲瓏小朵娟娟開當晚涼看露華洗出裁須瓷盎
晚風吹放灌合瓊漿鸞鏡妝殘蟬紗浴竟小摘斜簪趁
月光句畱處是五更轉側兩鬢凝芳羅紈柄貯昏黃
正斗帳紅羅綺夢長記櫻籃挂處香偏疊雪桃笙展罷
冷欲凝霜十幅蠻箋一枝斑管不寫人間第二香關心

甚比咳蘭采得先奉萱堂

注

蕙字采湘仁和人有紅豆軒詩詞稿

浣溪紗

睡碧衫嬌膩淚痕衍波箋贈詠花人心頭滋味賸酸辛
悶倚玉闌思甚事祇因春去易銷魂夕陽紅上畫羅
裙

又

低掩銀屏護水仙夜深明月到窗前姮娥心事沒人憐
欲墮燈如紅豆小未灰心比綠梅酸避愁不敢畫眉
彎

趙我佩

字君蘭仁和人有碧桃仙館詞

菩薩蠻

羅幃昨夜秋先透一燈涼殺紅花瘦無力卸殘妝桐陰
月轉廊愁多偏易醉悶擁香衾睡不道夢難成酒醒
愁又生

憶秦娥

東風急海棠紅褪燕支色燕支色秋千廊外落花狼籍
晚妝樓上誰橫笛垂楊一樹傷心碧傷心碧玉人何
處鳳城遙隔

卜算子

一樣雨和風各樣愁人聽樓外垂楊樓上人同是慙慙
病低掩水文窗莫把闌干凭昨夜西風今夜寒瘦卻

釭花影

清平樂

遣愁不去沒箇藏愁處小小眉彎擔不住作出淒涼如
許連朝雨冷花黃西風病起迴廊已是傷秋傷別那
堪又過重陽

國朝詞綜續編卷二十二終 錢唐宗景藩子城校刊